

中國邊疆史志集成

新疆史志

第二部

2

全國圖書館文獻縮微复制中心

中國邊疆史志集成

新疆史志

第二部
2

全國圖書館文獻
縮微復制中心



新疆维吾尔自治区图书馆XT0-0818091

欽定新疆識略



光緒甲午仲春上

海積山書局石印

岳普爾湖

七品明伯克一員

阿爾瓦特

六品密喇布伯克一員

七品明伯克一員

木什素魯克

七品密喇布伯克一員

七品明伯克一員

事宜

附

嘉慶十八年伊犁將軍松筠查辦喀什噶爾回子

郡玉阿奇木伯克玉努斯捏造逆回薩木薩克尙
有子嗣授意通事朦蔽叅贊大臣鐵保協辦大臣
哈豐阿刑逼毛拉素皮等以致枉殺四命任令伊
妻色奇納雇克什米爾回子念黑經造作巫蠱縱
容護衛家人囤糧貴賣苦累回衆又私自遣人與
霍罕伯克愛瑪爾送禮致令愛瑪爾稟請欲在喀
什噶爾添設哈資伯克抽收安集延回衆貿易銀
兩各欸按例審辦事訖

奏回疆事宜規條十則

一喀什噶爾叅贊大臣到任之初卽宜悉知疆外

情形也大凡叅贊大臣駐劄巖疆一切事務若僅
詢諸阿奇木伯克必如叅贊大臣鐵保等俱爲王
努斯所愚是未深悉疆外情形所致也查薩木薩
克有子之說業已審明實無其事俱經分別

奏請治罪告示曉諭回疆自不敢再有誣捏其喀什
噶爾卡倫迤外近鄰布魯特沖巴噶什部落其比
名蘇蘭齊者極爲恭順蓋伊祖名阿瓦勒於乾隆
三十年烏什回子叛亂時經

欽差阿桂等將阿瓦勒調赴烏什其人勇敢出力著有勞

績奏蒙

恩賞三品頂戴花翎伊孫卽今蘇蘭齊有祖風或有回子
忌其勇悍爲造言以譖之者殊不知此等布魯特
可爲疆外屏翰叅贊大臣隨時諭知

聖主皇仁垂念伊祖之功

恩施無已則該比蘇蘭齊歡欣頂感遇有調遣惟命是從
如霍罕等部荒夷無不畏之者此皆叅贊大臣所
宜知者也此外安集延皆貿易牟利之徒本無能
爲蓋因霍罕伯克自伊祖父遣使入

貢安集延貿易人等前來喀什噶爾常懇該伯克代
爲稟請免稅而該伯克從中冀有沾潤以故代爲

稟懇並非安集延盡係該伯克所屬其外又有布哈爾部落距喀什噶爾遠至五六千里該部落地方較濶內有安集延塔什罕鄂羅特拜各種回子總以貿易爲生無不安分守法以霍罕部在外比之僅有布哈爾幾村莊之大在內比之亦祇有阿克蘇一處所屬之地各城回子人所共知是霍罕伯克田少人稀本無能爲其玉努斯常向人言霍罕伯克練有強兵一萬之說本其克婦色奇納捏造聳聽翼免玉努斯進京不得遠離所致總因玉努斯爲妻所巫與霍罕伯克致書送禮翼其誑說

薩木薩克有子以致該伯克傳言試令玉努斯稱其爲汗幸其小心給玉努斯信內未敢捏及一經曉諭嚴行申飭該夷使均已畏服各情形俱有奏案可稽此尤歷任叅贊大臣所宜知之者而每於更換到任之初知此疆外實在情形則喜事邀功造言聳聽之弊可除矣

一回疆駐劄大臣各宜慎始也查喀什噶爾叅贊及葉爾羌各城辦事大臣責任俱重奉

命蒞任伊始雖有交代載在冊籍而卷帙繁多一時尋繹難週凡初見太小伯克總宜心志清淨詢其所事

及衆回子生計並先諭以不准呈送禮物以免送來不收傷其顏面如其微送食物菜蔬自應收受酌量回賞隨時宣布

皇仁俾知懷畏是爲至要至喀什噶爾葉爾羌阿克蘇各城俱有安集延販賣珠石皮張以爲奇貨駐劄大臣克已示以無好則衆伯克自皆不好奇貨能使來者漸少於回子生計乃克有濟其安集延圖利常赴卡倫外貿易愚弄布魯特間有被刦一面之詞稟訴者旣無憑據駐劄大臣及阿奇木伯克俱應置之不理以杜愚弄之弊並曉諭安集延凡卡

倫內者爲之管理卡倫以外不應爲理則巧爲圖利者自可漸少矣所有各城回子其性直而易感其俗樸而易化駐劄大臣獎其直而勵其樸莫不易治遇事切宜戒怒無論大小伯克兵民回子皆宜循循撫導善言教之莫不傾誠愛戴也然其理之所應怒者不可不怒蓋所怒在物果能志以率氣於應怒之事正色責其非是於應怒之人平心責其愆尤懲貪除苛之中加以丁寧告誡如父兄教子弟不使有傷恩義則大小回子惟命是從咸知懷畏萬萬年莫不率服卽敘而樂享

昇平矣至於傳話不得不用回子通事其通事之誠
僞可察於辭色其誠實者語近剛毅擇其誠實爲
通事諭知屬官並阿奇木伯克如該通事或有仗
勢欺蒙情弊准卽據實稟明立時責懲則傳話朦
弊之患可除矣

一阿奇木伯克假稱訪查事件率與霍罕伯克致
書送禮切宜嚴禁也查霍罕部落相距喀什噶爾
卡倫緩行路程約須十七八日地方甚屬窄小該
伯克自伊祖額爾德呢伊父納爾巴圖向

化以來世代遣使入

貢恭順已久舊例喀什噶爾阿奇木伯克與霍罕伯克因事寄信俱應稟請叅贊大臣酌定遵行嗣後倘有如王努斯率行寄信致送禮物者應由叅贊大臣據實叅奏從重治罪如遇必應寄信事件卽宜詳稟叅贊大臣小則一面寄信一面奏

聞大則或應檄諭或應寄信務須循舊繕稿奏請

訓旨遵行每年有無私行通信之處應由叅贊大臣留心查察年終具奏一次以免久而忽懈

一邊地阿奇木伯克缺出宜慎選奏補也查喀什噶爾地處極邊外鄰布魯特霍罕等部阿奇木伯

欽定

克有協同叅贊大臣撫綏要荒之責應請嗣後喀什噶爾及葉爾羌阿克蘇庫車阿奇木伯克缺出由叅贊大臣行文商同伊犁將軍於各城應調應陞伯克內慎選堪以勝任者開列於前注其勞績同各本城大臣出具切實考語或陞或調奏請

一阿奇木伯克不應酷刑審案也查玉努斯前曾酷刑勒取供詞妄殺四命所有夾棍扛子係由該回城城守帕提沙布伯克處取用者詢係由來已久此蓋喀什噶爾未設駐劄大臣以前僅有阿奇

木伯克時所設嗣後各城阿奇木伯克如枷號鞭責輕罪人犯准其自行辦理仍令稟明駐劄大臣存案備查所有喀什噶爾葉爾羌阿克蘇各城阿奇木伯克舊存夾棍等項刑具應卽呈交駐劄大臣衙門如遇必應刑訊案犯總由駐劄大臣先行委員會同阿奇木伯克審辦覆訊定擬毋許該伯克擅自刑訊取供呈報以杜濫刑之弊

一嚴禁莫洛回子習念黑經以杜巫蠱惑衆也查回俗凡婚嫁送老等事所邀念經回子稱爲莫洛曩者外來貿易克什米爾回子習尙巫蠱謂之哈

喇爾術如玉努斯之妻所邀莫洛爲念黑經本皆該克婦雇令抄寫於貿易克什米爾回子者所有搜出抄寫帕爾西字黑經八頁案結之日焚燬外應請嗣後由各城駐劄大臣嚴飭該阿奇木伯克同阿渾等留心訪查莫洛回子如有習念黑經者報明審實分別久暫酌擬發遣枷責咨部核覆遵辦並於每歲孟春告示曉諭一次用免干犯以禁巫蠱而安良善則魘魅之術可除矣

一巴雜爾市集人衆所賣糧石應如舊制免設牙行以杜抬價累衆也查回子市集謂之巴雜爾舊